

正法念處經卷第六十九

資九

元魏婆羅門瞿曇般若流支譯

身念處品第七之六

復次修行者隨順觀外身十大山中復有何等河池流水華果鳥獸彼以聞慧或以天眼見僧迦賒山僧迦賒樹六時之華其樹晝夜  
第七九

華如雲從空而下合和聚集故名僧迦賒山青影林者隨有一切白色衆鳥住在此林以林力故如瑠璃色故名青影林鳥音林者若入此林如意所念鳥出妙音鬱單越人見之生大歡喜故名鳥音林溫涼林者若人有寒入則溫暖若有熱者入此林中即得清涼林中有鳥名曰風行是命命鳥以鳥力故一念能行一千由旬若人見鳥憶念欲行即乘此鳥一念能至一千由旬其命命鳥能解四天下人所有語言亦能宣說如人受樂如人欲

樂其身七寶莊嚴兩翼青寶碑碣玻瓈赤蓮  
華寶莊嚴其身見者歡喜觀僧迦賒山有第  
二林名曰鸚鵡林鳥歡喜有蓮華池遍覆其  
上若閣浮提鶴王中然而死生此池中如閣  
浮提鶴王住阿那婆達多池中種種衆鳥住  
在此林中鵝鴨鴛鴦鷁之鳥怛茶摩那婆  
鳥黃鳥鳩鴿屯頭醯鳥香鳥三婆闍烏瞿耶  
沙吒鳥聲歡喜鳥六時行鳥喜月明鳥月出  
歡喜鳥日色孔雀鳥若見雷時歡喜出聲生  
樂鳥少黃色鳥俱羅婆鳥那提背鳥泥均輪

陀鳥陀婆迦鳥雜身鳥衆蜂旋鳥其音能滿  
至一由旬如閣浮提蜂住於樹林鳥鳥山舞  
鳥第一音鳥雞鳥婆羅羅鳥華覆身鳥住蓮  
華鳥青優鉢羅鳥遮沙鳥頻伽頃鳥般舟吒  
鳥樂娑羅鳥常音聲鳥笙篌音鳥見雲歡喜  
第七九  
鳥僧迦摩鳥見闕歡喜鳥白露鳥復有異鳥  
觀之可愛離瞋恚鳥住林樹間鬱單越人見  
之歡喜觀彼衆鳥住林中如實知外身復次  
修行者隨順觀外身僧迦賒山有何等林彼  
以聞慧或以天眼見第三林名鈴毗羅林枝

葉相覆蔭影涼厚鬱單越人爲遊戲故入此  
林中林名班葉樹次名龍華樹次名菴婆羅  
樹次名拘鞞陀羅樹次名婆羅樹次名喜愛  
樹次名鳥息樹次名娑羅多羅樹次名賒摩  
樹次名尼沙迦毗陀樹次名周多樹次名迦  
羅樹次名毗羅迦樹次名辛隣陀樹次名婆  
鳩羅樹次名喜香樹次名憍樂樹次名奚多  
羅樹次名多摩羅樹次名鳩羅迦樹次名青  
荊香樹次名月輪樹次名曜行樹次名常開  
敷樹次名尼均輪樹次名開樹次名阿濕波

他樹次名甄叔迦樹次名賒摩梨樹次名楊  
柳樹次名毗邏樹次名迦卑樹次名那利哎  
羅樹次名波那娑樹次名無遮果樹次名阿  
殊那華樹次名迦曇婆羅樹次名泥周羅樹  
次名天木香樹次名乘攝樹次名水生樹華  
次名曼陀羅樹華次名俱賚耶舍樹華次名  
金色華次名銀色華次名毗瑠璃樹次名孔  
雀止息樹次名異處行樹次名洲生樹次名  
迦離賚合樹次名婆迦賚樹次名互相映厚  
樹次名滑樹次名肩生樹次名因陀羅長樹

次名岸生樹次名巷生樹次名珊瑚色樹次  
名鳩摩鬚樹次名悚樹次名應時生樹次名  
煙色樹次名燈明樹次名風動樹次名芭蕉  
樹次名俱翅羅樂樹次名散華樹次名華未  
覆樹次名開烏彌羅樹次名憶念樹次名如  
飯樹次名優曇鉢羅樹次名頭頭摩樹次名  
蜂旋樹次名負峯樹次名涼風樹次名動搖  
樹次名無憂樹有如是等六十種樹勝過餘  
樹不說中下金毗羅林流水華池甚可愛樂  
鬱單越人無有怖畏憂悲痛苦無有君王亦

無熱惱離於怨對妬嫉之患於僧迦賈山館  
毗羅林歡喜受樂觀僧迦賈山已如實知外  
身復次修行者隨順觀外身觀鬱單越國僧  
迦賈山第四林名曰溫涼彼以聞慧或以天  
眼見溫涼林種種涼池亦如上說華葉果樹  
河流具足謂清涼河廣一由旬其水甚深一  
名清淨河次名無濁河次名乳水河次名蒲  
萄汁河次名蘇摩河次名美乳泥白水河次  
名憶念河次名鵝王河次名鴨河次名駕喬  
河次名妙音聲河次名華流河次名弱楊河

次名濤波流河次名駛流水樂河次名迦曇  
波翅河次名珠紫河次名饒龜河次名赤魚  
旋行河次名軍毗羅河次名魚旋河次名華  
流河次名沫輪寶火河次名水笑河次名平岸河  
次名雨聲河次名音曲流河次名隨時轉河  
次名無力河次名山峯河次名金色水河次  
名銀色水河次名銀石河次名真珠沙河次  
名山流河次名雲轉河次名碑礎莊嚴河次  
名珊瑚樹河次名春歡喜河次名秋清水河  
次名山谷流河次名峯輪笑河次名雪冰河

次名日不照河次名速流河次名洄洑河次  
名尼均輪陀流河次名香水河次名雞多迦  
香薰河次名雨歡喜河次名屯頭摩河次名  
周遍旋轉河次名無量流河次名瀆水澆岸  
河次名婆鳩羅河次名滅水河次名歡喜旋  
流河次名壞山河次名雲行河次名歌舞河  
次名鼓音河次名雷音河次名龍女喜樂河  
次名夜叉所愛河次名仙人所愛河是名僧  
迦賒山第四鎔毗羅林有如是等七十大河  
不說其餘無量小河林樹華果功德具足觀

清涼林已如實知外身僧迦賒山第五名震  
雷雲變龍遊戲雲變所謂離瞋婆修吉龍王  
德又迦龍王齒毒龍耀大電光興雲普覆隨  
順法行有如是等七千大龍於鬱單越以時  
第十九  
降雨澍於平地鬱單越人猶如諸天復次修  
行者隨順觀外身如前所說若樹若華若果  
若實若河若石窟若地方處若草若山谷若  
山窟如是等處無針鋒許衆生所住不生不  
死不退不出百返千返一切愛樂種種衆生  
無不破壞恩愛別離惱亂心悔無不曾爲怨

親中人無不合和無量生處百生千生或在  
水性或生陸地或行虛空於畜生中無一衆  
生不相噉食不相殘害無一衆生不作怨結  
如我此身無處不生如是比丘不見針鋒之  
地非生死處如前所說觀僧迦賒山已如實  
知外身復次修行者隨順觀外身復有何等  
勝妙山林彼以聞慧或以天眼見第二山名  
平等峯猶如天上歡喜之園平等峯山所有  
河池花果林樹如前僧迦賒山中廣說復有  
何勝其等峯山三百金峯光明如日五百銀

峯亦如前說功德勝前鬱單越人其身光明  
猶如滿月名離怖畏實無怖畏故名無畏鬱  
單越人住此山中歡喜受樂如四天王夏四  
月時於歡喜園受五欲樂有何等勝四天王  
天無骨無肉無有汗垢鬱單越人所不能及  
鬱單越人遠離怖畏勝四天處四天王天住  
高山頂宮殿而居猶懷恐畏鬱單越人無有  
宮宅無我所心是故無畏鬱單越人命終之  
時一切上生是故無畏四天王天則不如是  
鬱單越人復有勝法離怖畏故勝四天處平

等山中所有樹林如第二日離怖畏人隨心  
所念皆從樹出衣無線縷瓔珞莊嚴或念飲  
食於百千河飲食盈流鳥音可愛如前所說  
金翅青毗琉璃無量百千鵝鴨鴛鴦無量衆  
鹿真金爲身珊瑚爲角碑礪爲目青玉爲甲  
及餘異獸無量種類住在山中樹枝相蔭交  
互而生如真珠網俱翅羅鳥孔雀妙音百千  
流水無量河岸以爲莊嚴一切河流八功德  
水何等爲八一者具味二者清淨三者香潔  
四者除渴五者涼冷六者飲之無厭七者無

垢八者飲之無患無惡魚過於此山中有種  
種華池所謂有名廣博山華池次名衆沙華  
池次名五樹華池次名鴛鴦岸華池次名鵝  
水華池次名扇翅華池次名饒百鳥華池次  
名大珊瑚華池次名竹樹華池次名深華池  
次名月愛華池次名上月華池次名雜水華  
池次名洄瀆華池次名竹林華池次名仙愛  
華池次名魚旋華池次名三波陀魚迮華池  
次名淨水華池次名月光華池次名月輪

華池次名離垢華池次名乳水莊嚴華池次  
名清涼華池次名月愛華池次名玻瓈旋華  
池次名速旋華池次名澄靜華池次名不動  
華池次名天愛華池次名歡喜華池次名善  
味華池次名如意味華池次名樂華池次名  
音九雞珠婆華池次名甘露上流華池次名龍華  
池次名樂華池次名阿殊那華池平等峯山  
有如是等四十七池於平等山中最為殊勝  
其池皆是八功德水如前所說其山高勝如  
破空出以山高故有勝園林功德具足所謂

清涼之林色白如月廣百由旬多有銀樹色  
白如雪於此林中有蓮華池名離水衣華池  
次名蜂覆華池次名具色華池次名常水華  
池次名半見華池次名歡喜華池次名迦  
婆菩提迦華池次名鵝翅華池次名遊戲華  
池次名可愛華池次名見峯華池次名樂遊  
戲華池次名常樂華池次名常蓮華池次名  
常歡喜華池次名雲華池是名第一最勝十  
六華池除其中下無量百千無名者一切清  
淨無有泥濁亦無水衣鵝鴨鴛鴦可愛音聲

今鬱單越人常得歡喜命命孔雀於園林中  
出妙音聲修行者觀平等峯山已如實知外  
身復次修行者隨順觀外身信解四聖諦觀  
平等山峯頗有一處是常不變若樂若我而  
不空者如前所說一切生死所攝衆生頗有  
不死不生一切所愛不離不別不破壞耶彼  
修行者觀平等山峯不見一處是常不動若  
樂若我若不空者一切衆生所住之處無不  
生死為愛別離之所破壞如是一切生死無  
常衆生無針鋒處不生不死不生不滅念四

聖諦觀鬱單越平等山峯已如實知外身復次修行者觀鬱單越更有何等可愛之處彼以聞慧或以天眼見第三山名勿力伽具足莊嚴如前所說僧迦賒山及平等峯山具足莊嚴此山轉勝勿力伽山流水具足石蜜河水意樹具足所謂金樹六時華果敷榮蔚茂光明如日勿力伽山有光明林所謂金光旋林次名銀聚林次名普山林次名柔軟林次名金光旋林廣百由旬真金林樹多有衆蜂次名銀聚林縱廣三百由旬無量銀樹其林第十九

光明如百千月多有師子無量衆鳥心常歡悅如前所說勿力伽山有第三林謂常樂林林中有鳥名常遊戲受樂歡喜其國有人名曰解脫常樂林中歡喜自在隨意遊樂無人遮礙如諸天衆而受悅樂勿力伽山有第四林名曰柔軟金樹銀樹珊瑚之樹多有衆鳥名曰解脫其林縱廣五百由旬常多欲人住在此林其地柔軟如兜羅綿華果之樹及蓮華池無量百千衆蜂圍繞修行者觀勿力伽第三山已如實知外身如前所說復次修行

者隨順觀外身觀鬱單越更有何等可愛之處彼以聞慧或以天眼見第四山名白雲持縱廣千由旬純淨白銀之所成就光明踰月如闇浮提滿月出現衆星失光白雲持山亦復如是鬱單越人住此林者名常發欲常樂遊戲白雲持山蓮華嚴身離於怖畏憂悲疲極寒熱飢渴常愛歌戲於蓮華間遊戲受樂於山峯中共衆姝女遊戲娛樂常行愛欲常離憂悲白雲持山有諸園林謂鼓音聲林次名鶴音林次名憶念林次名水聲林鼓音林

資九

者嬖持天衆擊於天鼓出美妙音譬如笙簧笙笛和合出聲擊天鼓音復過於此闇浮提音十六分中不及其一鳥獸園林華池地界金銀流水功德如是天鼓音聲如前所說常欲之人聞天鼓音常受愛色聲香味觸如迦樓足天於歡喜園受天之樂有第二林名鶴音聲其林華池有百千種不可具說鶴音聲林有衆寶鹿次名鞞那娑鹿次名寶莊嚴鹿次名調伏鹿次名樂音聲鹿次名火色鹿次名賒羅鹿次名能投巖鹿次名山峯行鹿次

名遮波羅鹿次名普眼鹿次名迦多那寶  
鹿次名金角鹿次名銀側鹿次名風力鹿次  
名食樹葉鹿次名住水音聲鹿次名行林鹿  
次名珊瑚鹿次名凹床鹿次名細腰鹿次名  
黑皮鹿次名賒輸多那鹿次名日光明鹿次  
名柔軟鹿次名白鹿有如是等二十五種鹿  
常欲樂人與鹿遊戲種種自業於白雲持山  
中受相似樂復有第三憶念之林人名樂欲  
若有所念從樹而得一切園林莊嚴可愛亦  
如前說白雲持山有第四林名水音聲種種

仙人住此林中遊戲受樂若有汗熱入池水  
中遊戲受樂諸有仙人一名無礙仙人次名  
力仙人次名徐行仙人次名虛空行力仙人  
次名穿雲行仙人次名行日道仙人次名行  
量仙人次名白色仙人次名刪音九那多仙人次  
名鳩尸迦仙人次名山無礙仙人次名常樂  
仙人次名犍陀羅仙人次名行虛空仙人次  
名富物仙人次名內住仙人次名閻窟仙人  
次名常力仙人次名鶴殿仙人次名龍殿仙  
人次名放電光仙人次名住摩羅耶仙人次

名雞多迦鬚仙人次名樂嫁女仙人次名樂  
酒仙人次名住彌樓山仙人次名三車那仙  
人次名常遊戲仙人次名常歡喜仙人次名  
垂莊嚴仙人次名飛行仙人次名呪藏仙人  
是名三十仙人止住在於白雲持山種種莊  
嚴遊戲在於水音聲池歌舞戲笑自業受樂  
自業力故共相似嫁女遊戲受樂如是遍觀  
白雲持山諸林樹已如實知外身觀白雲持  
山中頗有一法是常不動不變不壞涅槃所  
攝如是比丘不見一法是常是樂不動不變

不破壞者一切諸法皆悉無常破壞摩滅猶  
如日光破諸闇冥無常世間初味後苦深流  
不出愛果無樂如飄波迦果如毒如刀得時  
甚樂悅目須臾如電不住如水駛流無常不  
住如犍闍婆城誑惑於人一切人貪如果必  
墮如雜毒食消時大苦如蜜塗刀亦如利戟  
誑惑無量百千衆生猶如河岸臨峻大樹諸  
貳九  
欲無常亦復如是是修行者如實觀欲生厭  
離心正念觀察滅除塵垢復次修行者隨順  
觀外身鬱單越國更有何等可愛山河彼以

聞慧或以天眼見第五山名曰高山縱廣一千由旬光明普照有真金樹毗琉璃葉白銀為樹珊瑚為葉毗琉璃樹真金為葉光明如燈復有異樹無量種樹蓮華林池園林遊戲種種麋鹿種種山峯亦如前說住須彌山曼持天衆三塗俟天從須彌山至此高山遊戲受樂其高山峯皆是衆寶之所成就有五大峯一一山峯高五十由旬縱廣二百由旬第一金峯於山谷中生一切寶謂毗琉璃珊瑚碑磲波瓈迦寶赤蓮華寶柔軟寶青因陀寶

大青寶王自然天衣第二銀峯銀樹具足峯中多有牛頭栴檀若諸天衆與阿脩羅共鬪戰時為刀所傷以此牛頭栴檀塗之即愈以此山峯狀似牛頭於此峯中生栴檀樹故名牛頭第三山峯名天女樂全銀毗琉璃以為園林其地柔軟歡喜遊戲愚癡凡夫為愛所誑雖聞正法常愛欲樂第四山峯名曰生色四大天王於蒲萄園遊戲受樂一切禽獸夜叉仙人鬱單越人皆悉受樂蒲萄酒河盈滿而流其味如蜜有如石蜜或有辛味或有雜

味其峯河岸多諸生色所謂水牛牛羊猪狗  
野狐象馬駝驢龍虎熊羆師子兕豹如是種  
種無量寶色峯名生色生諸生色故名生色  
第五山峯毗琉璃林有蓮華池毗琉璃莖其  
華柔軟所謂少滿蓮華池次名衆多蓮華池  
廿九  
次名轉行蓮華池次名華覆蓮華池次名日  
照蓮華池次名柔軟岸蓮華池次名無比蓮  
華池次名密林蓮華池次名香風蓮華池次  
名常水蓮華池是名十種華池注此峯中復  
有大河處處而流六味具足一切意樹而以

莊嚴衆樹華果河池具足亦如前說彼比丘  
觀第五山第五峯已如實知外身復次修行  
者隨順復觀高山知業法果報知衆生業法  
果報衆生自業住自業流轉以自業故而生  
此山善業盡故不善業故墮於地獄餓鬼畜  
生若有善業生天人中高山四面所住之人  
名樂善樂常希望欲常不知足如是比丘以  
偈頌曰

譬如火得薪 如海受衆流 愛欲難厭足  
是故應捨離

如是修行比丘以清淨眼見此衆生於大憂悲愁毒之中猶復歡笑衆生不知一切皆苦無我無常一切法空一切閻冥一切生死無有常樂非寂靜非寂滅一切資具要當破壞貞九諸具要當破壞七譬如日出必此法不實終墮地獄餓鬼畜生譬如日出必當有沒一切衆生亦復如是有生之類必歸於死譬如春時一切大地山樹藥草叢林平地至於秋時大地山樹藥草叢林陂澤華池一切衰變少如春時老如秋時鬱單越人不能覺知一切少壯皆歸衰老譬如夏時天降

洪雨河有崖岸諸水臻集盈溢充滿至於孟冬一切減少富樂具足猶如夏時富樂破壞猶如孟冬譬如水泛蓮華池中衆蜂所樂歡喜受樂霜雪既降蓮華萎爛衆蜂捨離人亦如是若無病惱如華新開衰病既至如華萎爛衆蜂圍繞猶如富樂親友臻集衆生如是爲愛所誑不覺自壞如是比丘觀於高山園林華樹河泉陂池仙人禽獸山谷已如實知外身復次修行者隨順觀外身彼以聞慧或以天眼見鬱單越國復有何等可愛山耶彼

以聞慧或以天眼見第六山名驥莊嚴於其山中有種種莊嚴其山朱綠青黃種種色樹所謂雜華林樹復有華樹名曰無憂復有華樹名曰金葉復有華樹名曰枝覆復有華樹名阿提目多迦金莖金葉風吹動搖水中復有尼均輪陀樹毗琉璃葉有芭蕉珊瑚爲葉見日則起復有提羅迦樹若見月光即便開敷復有華樹名拘牟陀無日則開復有華樹名曰師子迦曇鉢羅復有蓮華名常開敷復有華樹名曰水笑足躡則生復有華樹名赤無憂女人足躡以得女人色香味觸華則爲出復有華樹名阿吒迦如

得煙增長復有華樹名曰無憂女人觸之華即爲出復有華樹名曰軍陀其性柔軟復有華樹名尸利沙得人足蹈即便增長復有華樹名鞞多婆暖則有香復有華樹名鳩鳩摩流轉異國復有華樹名曰見吉復有蓮華名第十九曰善意天人所愛復有蓮華名青優鉢羅生在水中復有蓮華名常開敷復有華樹名曰十四師子迦曇鉢羅復有蓮華名曰水笑足躡則生復有華樹名赤無憂女人足躡以得女人色香味觸華則爲出復有華樹名阿吒迦如

是華樹二十有二周遍華蔓以爲莊嚴或有金色毗琉璃色或白銀色或有黃色或有綠色或有雜色或在池中或在樹下或在榛林或有周遍行一切處復有衆鳥真金爲身白銀爲翅或白銀身黃金爲翅或珊瑚身毗琉璃翅毗琉璃身青寶王翅或玻瓈身真金爲翅或有衆鳥真金爲腹白銀爲翅毗琉璃背或有衆鳥七寶爲身謂青寶王摩伽羅寶玻瓈迦寶碑磲珊瑚摩蘇鳩留摩利寶赤蓮華寶如是自業種種雜色種種音聲無量種身

鬱單越人自業力故有無量種雜色樹林山河華池甚可愛樂如心所念種種衆寶之所莊嚴先世善業所化飲食河池林樹周遍莊嚴鬱單越人於蔓莊嚴山處處受樂住此山人名常遊戲於蔓莊嚴山常遊戲人猶如諸天於夏四月在波梨耶多拘鞞陀樹下歡娛受樂唯除視身有骨肉及有垢汙自餘悉等復次修行者觀業果法衆生三種惱慢放逸不作善業何等爲三一者恃色而生惱慢二者恃少而生惱慢三者恃命而生惱慢不

作身善業不作口善業不作意善業以勝善業上生天中從天還退墮於地獄餓鬼畜生人中之愛如蜜雜毒受第一苦第一繫縛第一惡處愛縛衆生不知生從何來去至何所一切諸欲如甄波迦果初雖少甜後致大苦猶如覆網衆生不覺墮於焰岸愛別大苦如火自焚壯色不停如山峻水無常不住變易衰壞於五道中無有一處不爲惡業風之所吹流轉諸有然諸衆生於生死中猶不生歎觀龜莊嚴山常遊戲人已如實知外身復次

修行者隨順觀外身鬱留越國復有何等可愛山河華池彼以聞慧或以天眼見鬱單越有一大山名曰時樂廣千由旬高三十由旬六時常鮮一者孟冬二者季冬三者孟春四者季春五者孟夏六者季夏於第一時有何等華於孟冬時有常開樹名不合華次名堅華次名凍華次名蜂覆華次名婆佉羅華次名善香華次名無葉華次名鴨音華次名第一華次名可愛華次名涼冷具足華次名深生華次名夜開華次名第一堅華次名日華

是為孟冬寒時十五種華生時樂山中第二季冬復有蓮華生鬱單越時樂山中以善業故阿提目迦華隨念墮落所謂鳩羅婆迦華次名鉢頭摩華次名鉢摩迦華次名究羅婆迦華次名多香華次名蜂旋華次名三摩柘迦華次名多香華次名蜂旋華次名青無憂華次名無憂華次名甄叔迦華次名青無憂華次名不合華次名香拘物陀華次名阿彌茶迦華次名窟生華次名河岸生華次名尼支藍華次名赤華次名婆那帝華次名烏愛華次名常開華次名百葉華有如是等二十

貳九十六  
種華生於季冬及孟春時阿提目迦華等經於二時鬱單越國時樂山中復有諸華生於季春謂瞻葛華次名蘇摩那華次名善色集華次名徒摩羅華次名香華次名蜂蓮華次名除飢香華次名尸利沙華次名赤華次名等香華次名常香華次名耽婆羅味華次名風萎華次名百葉華次名畏日華次名諸蘭帝華次名護色華次名闍智羅華時樂山中  
有如是等二十種華生於季春以鬱單越人善業力故時樂山中於孟夏時復有諸華名

哎多迦華次名鳩吒闍華次名賒多婆熙膩  
華次名迦曇婆華次名尼朱羅華次名由提  
迦華次名蘇摩那華次名龍舌華次名無間  
愛樂華次名善味華次名善香華次名普業  
華次名一切攝取華次名轉華次名鼻境界  
黃九  
華次名五葉華次名愛雨華次名愛觀華次  
名塗摩華次名水流華次名雪色華有如是  
等二十種華於時樂山生孟夏時以鬱單越  
人善業報故時樂山中於季夏時復有異華  
所謂笑華次名蘇摩那華次名常瞻葡萄華次

名林生華次名虛空轉華次名夜可愛華次  
名一切方華次名流華次名遊戲地華次名  
樂華次名山谷華次名陸生華次名迦曇婆  
華次名卑陽伽華次名鵝旋華次名修留毗  
華次名多摩羅娑華次名水華次名月華次  
名燈岸上華有如是等二十種華生於季夏  
鬱單越國時樂山中樹林華果蓮華河池時  
轉普遍此時樂山如餘山中一切華果此山  
常有時樂山中所住之人名曰陀利支摩復  
次修行者知業果報云何眾生先業既盡不

作新業而不知於時節輪轉衆生食命時如  
大火焚燒命薪時如惡鬼摧壞命天時如師  
子敢害人獸時如駛河拔人樹根漂至異處  
一切死去不可逃避云何衆生而不覺知不  
見老病死戲弄破壞一切少壯及一切欲破  
一切力一切衆人之所輕笑羸瘦之本能減  
眼耳鼻舌身意涎涕流溢身曲不端牙齒觸  
體骨節筋脉皆悉慢緩不能去來洗沐清池  
爲諸年少之所輕毀欲入死城失於氣力不  
安隱處不善之地數大小便多樂眠卧衆生

云何不見此老而行放逸以放逸故不見決  
定當有疾病以疾病故四大不調諸根失樂  
一切筋肉皮血脂膚及以精髓皆悉乾竭憎  
一切味不能坐起憶念醫師以求安隱一切  
飲食入口皆惡頓乏疲極不能起止欲多睡  
眠身體羸瘦唯<sup>貧</sup>有皮骨一切親族及其妻子  
不能爲伴如死怖畏而此衆生不知不覺是  
修行者觀放逸行衆生已起悲愍心以悲愍  
故修四梵行謂慈悲喜捨是修行者如是觀  
鬱單越人起悲愍心觀身威儀如賊無異身

如水沫諸識如幻富樂如夢作是觀已生厭  
離心復次修行者隨順觀外身觀鬱單越復  
有何等殊勝可愛山林河池彼以聞慧或以  
天眼見鬱單越有一大山名歡喜持其山有  
林名曰周遍縱廣五百由旬一切寶性之所  
莊嚴所謂金性銀性銅性寶性酒性蜜性六  
味之性及餘異性其林普遍毗瑠璃華蔓蔓  
纏繞金葉蓮華曰銀為莖金銀葉華毗瑠璃  
莖蓮華充滿如日初出有種種鳥莊嚴其池  
所謂鵝鴨次名鴻鳥次名婆伽鳥次名金鳥

次名白咽鳥次名遮沙鳥次名摩頭求鳥次  
名鴛鴦鳥次名波婆鳥次名鶴鳥次名阿嗟  
鳥次名婆羅婆鳥次名提彌羅鳥次名婆求  
鳥次名時鳥次名畏熱鳥次名夜行鳥次名  
樂鉢頭摩華分鳥次名辛頭波鳥次名住水  
波鳥有如是等二十種鳥住蓮華池過普遍  
林歡喜持山半山之中五百由旬復有五百  
由旬名竹岸人住在此山其山有樹名曰軍  
第十九持出妙歌音天女聞之住空而聽園林河池  
蓮華皆悉具足如前所說

正法念處經卷第六十九

音釋

鎔 音 恄 荀 勇 紗 即委切  
舍 切 惣 也 縱 諸 則 廢 床  
也 切 蹤 蒲 閑 户 音 蹤 賴 明